

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i člana 14. stav (1) Zakona o eksproprijaciji Federacije Bosne i Hercegovine („Službene novine Federacije BiH“, br. 70/07, 36/10 i 25/12), Vlada Federacije Bosne i Hercegovine, na 55. sjednici, održanoj 27.05.2016. godine, donosi

**ODLUKU  
O UTVRĐIVANJU JAVNOG INTERESA ZA IZGRADNJU REGIONALNOG VODOVODA  
„PLAVA VODA“**

**I.**

Ovom odlukom utvrđuje se javni interes za izgradnju regionalnog vodovoda „Plava voda“, na području Zeničko-dobojskog i Srednjobosanskog kantona.

**II.**

Utvrđivanje javnog interesa iz tačke I. ove odluke, Vlada Federacije Bosne i Hercegovine donosi na osnovu:

- Elaborata eksproprijacije određenih parcela za realizaciju projekta „Plava voda“ za opštine Travnik, Novi Travnik, Vitez, Busovača i Grad Zenicu, izrađenog od strane „ZEDIS“ d.o.o. Zenica;

- Procjene vrijednosti nekretnina iz Elaborata eksproprijacije za koje se predlaže utvrđivanje javnog interesa, u iznosu od 4.634.702 KM, dostavljene od strane Javnog preduzeća Regionalni vodovod „Plava Voda“ d.o.o. Travnik;

- Zaključka Vlade Zeničko-dobojskog kantona (V.broj: 02-25-19306/12 od 04.09.2012. godine) i Zaključka Vlade Srednjobosanskog kantona (V.broj: 01- 05-542/12-22 od 24.09.2012. godine), kojima je dato pozitivno mišljenje o opravdanosti izgradnje projekta „Plava voda“ i utvrđen status projekta u Prostornim planovima kantona.

**III.**

Javno preduzeće Regionalni vodovod „Plava Voda“ d.o.o. Travnik je Korisnik eksproprijacije nekretnina za realizaciju projekta iz tačke I. ove odluke.

**IV.**

Korisnik eksproprijacije iz tačke III. ove odluke može podnijeti prijedlog za eksproprijaciju općinskoj/gradskoj službi za upravu, u roku od dvije godine od dana donošenja ove odluke.

**V.**

Troškove potrebne za eksproprijaciju nekretnina i troškove postupaka eksproprijacije iz tački II. i IV. ove odluke, snosi Korisnik eksproprijacije.

## VI.

Za realizaciju ove odluke zadužuju se Javno preduzeće Regionalni vodovod „Plava Voda“ d.o.o. Travnik, općine i Grad uključeni u izgradnju regionalnog vodovoda „Plava voda“, svako u okviru svojih nadležnosti.

## VII.

Danom stupanja na snagu ove odluke prestaje da važi Odluka o utvrđivanju javnog interesa za izgradnju regionalnog vodovoda „Plava voda“ („Službene novine Federacije BiH“, broj: 5/13).

## VIII.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 1131 /2016  
27.05.2016. godine  
Sarajevo



**PREMIJER**

**Fadil Novalić**